

陽縣志卷之三十一

雜記

雜記者其事蹟其物富其理秘其聞新得其載多可喜可愕之辭其大要有若奇而法者亦有法而若奇者於志全帙其諸裨野史比與夫鄱澤國也龍鬣出沒現貝彩絢耀異矣然徃徃有則若不異日月光景常也而沐之浴之暮朝新之則又若不常吁茲其所謂不測者與則夫鄱雜記所溢而不可窮者又烏可測也與

晉

鄱陽縣志

卷之三十一 雜記

一

陶侃少時漁於雷澤網得一織梭以掛於壁有頃雷雨自化爲龍而去後以母憂去職有二客來弔不哭而退化爲雙鶴冲天而去 見舊志紀異

陶侃生平惟蘇峻祖約之反侃以不與顧命不肯勤王經温嶠等再三邀率始率兵東下此是其見小不達大義之處其他則盡心于國老而彌篤朝廷加以殊禮侃固辭又因病上表去位曰臣少長孤寒始願有限云云未沒前一年已遜位歸國佐吏苦留之不果行及病篤將歸以後事付右司馬王愨期出府門就船顧謂愨期曰老子婆婆正坐諸君輩是可見其超然於權勢矣本傳

亦云侃季年常懷止足之分不與朝權而傳末乃云侃嘗夢生八翼上天門至第九重折翼而墜後督八州據上流握強兵有覬覦之志每思折翼之祥自抑而止傳論亦謂其素有不臣之心因一夢而不敢也豈非誣乎

趙翼廿二史劄記

彭蠡湖側有鄉人李進勅者以販彭蠡湖魚爲業常以大船滿載其魚於金陵及維揚肆中積有年矣一日復販魚於金陵泊三山之浦其夕風靜波澄月色如晝進勅乃步于岸側聞船內有千萬人誦經聲進勅驚而異之伺聽於岸其音清亮非常進勅卽登舟察之乃船內魚

鄱陽縣志

卷之三十二

雜記

二

耳進勅曰由我鄙見販易衆生輪迴之身不可測也因悉放魚于江中臨放魚時囑曰諸魚旣各通靈他日某若困苦敢希方便垂恩矣由是改業販鬻荻薪數年之間大作簾筏載薪於金陵貨之未到間值大風吹溺簾筏一時沉沒惟進勅墮江中不溺足下如有所履俄而被風颭竹數竿至進勅身側進勅扶此竹而護稍共濟乃見大魚數百頭于進勅足下乘之又有竹頭共拽竹而行于時到於洲乃得登岸回顧諸魚各已散去至夜不得渡江卽栖於洲上將更深矣進勅卽獨坐愁苦兩淚併洒嗟身之蹇躓一至於茲忽見荻叢碎罅中光芒

然進勅卽以手摸之獲金二斤乃袖於懷中愁悶頗息
俄見一人着白衣向波心踴立謂進勅曰朝來得存性
命及獲金乃子前者所放生魚數十頭又拽一葉舟來
撈棹俱備進勅因得及岸而歸

搜神記

鄱陽人黃赭入山采荆揚遂迷路數日忽見大龜赭便咒
之曰汝是靈物而吾迷不知道今騎汝背頭向面便是
路龜卽回右轉赭卽從行十許里便得溪水卽估客行
舟者也

搜神記

鄱陽嗣王範得班固所撰漢書真本獻東宮皇太子命劉
鄱陽縣志

卷之三十一 雜記

三

之遴與張纘到漑陸襄等參校異同之遴錄其異狀數
十事其大畧云案古本漢書稱永平十六年五月念一
日己酉郎班固上而今本無上書年月日字又案古本
叙傳號爲中篇今本稱爲叙傳又今本叙傳載班彪事
行而古本云稚生彪自有傳又今本紀及表志列傳不
相合爲次而古本相合爲次總成三十八卷又今本外
戚在西域後古本外戚次帝紀下又今本高五子文三
王景十三王武五子宣元六王雜在諸傳表中古本諸
王悉次外戚下在陳項傳前又今本韓彭英盧吳述云
信惟餓隸布竇黥徒越亦狗盜芮尹江湖雲起龍驤化

爲侯王古本述云淮陰毅毅仗劍周章邦之傑子實爲
彭英仕爲侯王雲起龍驤又古本第三十七卷解音釋
義以助雅詁而今本無此卷也 梁書劉之遴傳

唐

蕭穎士徙蘭陵爲功曹南遊濟瓜州有二少年熟視
穎士相顧曰此人甚肖鄱陽忠烈王穎士固是鄱陽曾
孫卽自歎陳二人遽負擔去穎士方驚以爲神不疑其
發塚盜也明年過盱眙邑長見階下伏囚有二人在卽
具曩語邑長遂詰二人故皆曰嘗開鄱陽王塚大獲金
寶當門有貴人顏色如生年可五十髭鬢斑白僵卧石
榻姿狀正類功曹固知爲鄱陽裔焉 出薛用弱集異記

鄱陽縣志

卷之三十二

雜記

四

南唐

徐鉉初學記鄱陽山中有木客自言秦時採木造阿房宮
避役於此又續法帖記云木客能詩詩有曰酒盡君莫沽
壺傾我當發城市多塵囂遠山弄明月 見舊志紀異

宋

彭器資未知江州時南康雲居山禪刹所事五通名安樂
神甚靈異每出與僧語如小兒忽一日云古塔主得知
江州今朝出東門已逾數日又云塔主方到泗州遣急
脚某齋書與堂頭矣僧具以聞師了元如期果有黃衣
卒持江州書至衆始悟器資爲古塔主後身也 見舊志紀異

范文正公守饒州日有書生甚貧自言平生未嘗一飽時
盛行歐陽率更書薦福寺碑墨本直千錢爲具紙墨打
千本使售於京師紙墨已具一夕雷擊碎其碑時語曰
有客打碑來薦福無人騎鶴上揚州東坡作窮措大詩
曰一夕雷轟薦福碑向使不擊碎書生享用其有窮乎
於此益知吉慶避者非吉慶避之其福德淺薄自不能
與吉慶會也讚曰淑慝以類吉凶在人譬如儀鳳不棲
棘荆虺蜴之窟豈產珠珍冰雪凝沍寒谷不春一氣所
感當識其因

鄱陽遺事錄

長沙王廼吳王芮也東漢建安十五年吳大帝時張昭等

鄱陽縣志

卷之三十二 雜記

五

議以豫章土廣人繁請分置廬陵鄱陽二郡初治部故
城後徙吳芮卽今所治立長沙廟貌得非緣於此哉且
饒之爲國殆千餘年而廟不立公之守饒始建焉然公
之窮古尙德好賢樂善之心豈尋常人也今攷諸碑而
刻其傳贊以歲月列公之名銜復命提點鑄錢魏兼篆
額且使賢令嗣監簿純佑書公之遺跡尤足矜後人也

鄱陽遺事錄

寶福侯者乃漢之樊噲也舊廟於芝山之頂曰鹿頭大王
公守饒凡民間旱卽禱于此神頗有驗應今之廟地公
之所徙也州民邵都院者卜其地置生墳公一日入院

詰其故乃曰五十年後當出侯伯不得鬻于人于是令
移鹿頭廟屋於此復移文於僧寺暨元豐庚申太守馬
淵以久不雨因禱於神而霽霏霑足遂狀其感應而奏
之乞加旌獎朝廷下大常封爲寶福侯淵之奏陳且道
公之請雨有功修飾廟貌迄今血食以景祐迄元豐恰
五十年公之先知誠可尚也後之人凡入寺見其廟必
指之曰范文正公之遷而五十年出侯伯處也同上

饒之山水大率秀拔有豪傑者出焉公之至識其形勝一
日乃曰妙果禪院一塔高峙當城之東北屹起千餘尺
饒之文章應也城之下瞰數湖水脈連秀擲爲儒者滋顯

鄱陽縣志

卷之三十二 雜記

六

也於是名其塔爲文筆峯目其湖爲硯池且曰二十年
後當出狀元治平乙巳州人彭尚書汝礪果第一人及
第公之沉幾遠識良足書也同上

彭汝礪送張子固詩序云大理寺致仕德輿張公偕先皇
考執友予十六七時從其子正父季友學明叔禮遇予
厚明叔子子固娶予作賀客畢席復入宴予時善飲寺
丞公取大白觴予厥容一升戲曰能復飲子魁天下曰
能連三引皆空客皆大笑樂甚予後黍竊公笑曰長者
言果信

彭器資尚書文集有送許屯田詩曰浮梁巧燒蕤顏色比

瓊玖因官射利疾衆喜君猶不父老爭歎息此事古未有注云浮梁父老言自來作知縣不買斃器者一人君是也作饒州不買者今程少卿嗣宗是也惜乎不載許君之名同上

錢尙書適爲洪州職官緣事過鄱陽見彭器資值月朔有衣冠數十輩來見彭公設拜各人進問起居而退錢在書齋中窺見甚訝之因問公此輩何人公曰皆鄉里後進子弟也錢曰今他處後進必居於位或與先生並行何以有此彭公曰昔范希文自京尹謫守是邦其爲政以崇名教厚風俗敦尙風義爲先州人仰慕咸傾嚮之

鄱陽縣志

卷之三十二

雜記

七

遂以孝弟自任而不敢忽久之不變也此大賢臨政之效可以爲法范文正外集

亡友向巨源自少能作詩予初識之於梁宏夫座上未深知之也是日偕二友從吳傅朋遊芝山登五老亭以駕言出遊分韻賦詩巨源得駕字其詩云茲山何巍巍氣欲等嵩華從公二三子勝日飽閒暇躋攀謝車輿自辦兩不借捫蘿覓幽墜行椒得孤榭側送夕陽移俯視高鳥下登臨記曩昔歲月驚代謝却數一周星復命千里駕身從泛梗流事與浮雲化竭來共一尊似爲天所赦明發還問塗合離足悲吒詩成觀者皆服傅朋游絲詩

卷數百篇巨源獨不深嘆美之頗記其數句曰先生著名節百世追延陵我評先生賢不以能詩稱功成磨蒼崖盛德頌日昇勿書凌雲榜華顛踏高層句格超峻其旨皆有規諷後哀集其生平所作數千篇目爲葵齋雜稿倩予爲序時予在章貢及序成持寄之則已卧病僅能於枕上一讀而已巨源初見韓子蒼得一詩曰老子眞祠地君來覓紙題文如士衡俊年與正平齊聞說鍾陵郡官居章水西涪翁詩律在佳處可時攜而韓集佚不收但見序中耳

洪容齋三筆

饒州良牧自吳至今以政蹟著者有九賢郡圃立祠以祀鄱陽縣志

卷之三十二 雜記

八

此外知名者蓋鮮白樂天集有吳府君碑云君諱丹字眞存以進士第八官讀書數千卷著文數萬言生四五歲所作戲輒象道家法事旣冠善道書奉眞籙每專氣入靜不粒食者數歲飄然有出世心旣壯在家爲長屬有三幼弟八稚姪不忍見其饑寒慨然有干祿意求名得名家無長物澹乎自處壽八十二無室家累無子孫憂終於饒州官次吳在饒雖無遺事可紀然年過八十尙領郡符又非爲妻子計者良不可曉唐之治不播棄黎老故其居職不自以爲過云

同上

潘祚爲鄱令廨後連石埠傍城中有隙地十餘畝偶夜望

見火光高數丈其間莽刺籠密不可行乃取箭射以識之明日掘地得石甕巨腹小口不可開遂破之內又一甕復破復有一甕至五六餘漸及小而盡

舊志紀異

崇德鄉民甘棠事佛謹久青一目後于永平橋遇皂袍道人強邀之去登巨舟舟首懸金字牌有左右侍女合棠仰卧分執其手足取銅筋攪睚眦間痛楚莫堪忽掖起傾瓶湯半殘飲之味如飴復僵卧如初覺腦後鈎出一物徐以片紙掩其上頃去之則雙瞳瞭然棠驚喜拜謝歸語人人隨覓之不可蹤跡已

卜者王揖僦旅邸一室畜雙雞一牡一牝牝生子正抱啄

鄱陽縣志

卷之三十二

雜記

九

于栖中揖有客喚童取其牡將殺而烹之牡叫呼牝聞聲走行栖外孜孜注盼哽咽悲鳴若欲訴揖而免牡之死揖弗悟竟殺之牝躑躅哀鳴不復顧羣雛終夕唧唧晨起不復食凝立砌下沉沉如醉然少焉氣溢其吭遂喘而死夫鷄一物耳至哀其偶而與之同死有貞婦之節彼有視其夫死肉未冷而卽背去者此雞羞之矣

士人林子安居於石門紹興三十二年秋入州赴舉行半程飯旅店逢一客某州教授者來相與講禮客蓋謀爲饒試官欲從坑冶使者魏彥成求薦牘因從容問林曰魏戶部何如人林曰子安與之姻戚其人慷慨急義客

有喜色屏左右延林入室置酒輸寫胸臆曰君於魏託契厚薄何如某今實蒞試於饒君苟能致力則當任一舉之責以爲報林悚然弗敢承至於再三始請其說客詢所習經以尙書對客曰某正用書登第嘗擇題目難控搏者爲答義三道不曾示人茲以相授幸藏之勿泄勿失便當以此三題試舉子矣林捧接愧謝且而告別洎入學場教授者搜此卷不見遍訪他房索之亦無有殊疑負託纔出院林往謁之白曰蒙先生成就之意甚厚適是前一日忽得疾極危困及明朋友邀勉掖以進而頭如受斧寸步莫前遂成空返所以留連未還里者

須先生之出達此謝意雖云無成直與受恩等耳竟爲力禱魏公得一章與之林生之高義如此終於布衣其子憲頗修飭嘗預鄉書晚歲方得官爲適州永明尉

乾道辛卯饒州將秋試是時以薦福寺爲舉場鄱陽士人李似於八月七日夜夢行天慶觀街逢報榜人絡繹呼云解元是王播之秀才未及細問而寤遍思朋遊卓卓皆無此姓名獨念尙書盤庚篇有王播告之修不匿厥指王用丕欽罔有逸言民用丕變之句是一好書義題目因入州學語其友方千里子材曰吾夢如是想必出此正係子材本經決非偶然故密以相告盍預爲之備

子材曰固已會商量未必然也殊不介意及引試果爲第一篇題子材悔不從李言悵失色暨揭榜遭黜吳雱遠澤遂以書居首李似者元名某後三年甲午夢人持一張緝如試卷者示之標五字曰鄱陽李似詩李蓋習詩覺而喜卽更名又三年丁酉乃被薦第四而於詩經爲魁選

饒州自建炎後就薦福寺試舉人淳熙初提點刑獄丁時發將別創貢院委學正魯時以下訪隙地可以營建者或曰七里外縣社壇處勢空曠且旁無民居用之最便但爲縣徙舍社於它處足矣議未決其首謀者夢一士

鄱陽縣志

卷之三十二

雜記

十一

人來與談是事曰取之無害但非旱乾水溢可變置社稷乎謀者懼乃白于丁寢其說而置院於學宮之東士人以片言而能止大役蓋神云

鄱陽義仁鄉車門一大聚落也曹氏環而居之至數十百家有曰曹廿一者慶元元年中夏住屋內平地上忽踊出白蓮花一朶闊七八寸其高二寸餘四畔煥如繪畫雲彩花粲然中居芳芬日艷傳聞來觀充塞門巷皆以爲其家且有吉祥識者曰水花陸處亦非嘉兆明日已化作菊花半開半蘼越三日不變舉室疑怪圍薪然火以焚之其後安堵如故

聶邦用遊薦福寺就竹林燒笋食之腹輒憤懣作痛積五年骨立諸醫莫治弟惠璉爲永寧寺僧遇一異人問之曰是蛇胎入腹蓋其交濁入笋中幸孕目未闕可除耳與藥勻酒以飲卽洞下穢斗餘有小蛇蟠其內雙目尙合也遂瘳

楊玫居岳廟山下澤門橋出入必以犬俱醉經嶺北卧草間野火將迫犬急以身受水濡草者數四因得免鄉人異之遂名其鄉曰義犬後更義感

元

說文字原一册元周伯琦著伯琦字伯溫聞之前輩言元

鄱陽縣志

卷之三十二

雜記

三

至正間初改奎章閣爲宣文朝臣咸謂必命夔夔書榜是時伯溫雖在館閣精篆書而未爲上所知識日令篆書宣文閣榜十數紙周不識其意一日有旨命夔書宣文閣榜夔曰臣所能真書非古古莫如篆朝廷宣文閣用篆書爲得體周伯溫篆書今世無過之者上如其言召伯溫書下筆稱旨由是益見進用前輩臨事明於大體而不自取其功與引拔人材委曲成就之如此

楊東里集

六書正譌一册元鄱陽周伯琦著伯琦翰林待制南翁之子官至江浙行省左丞元之士大夫以篆書名者皆推

伯琦所著又有說文字原其自序云字原以序制作之
全正譌以刊傳寫之謬非獨攻篆之家所不可無使學
者得明古人作字之本意而不眩于俗不為無助云同上
元季周克復之官山東道過廣德值盜起妻子奔竄有女
甫八歲背母失所向天下既定亦聲跡不聞洪武間鄱
商人往來于濡者告曰公女曩以兵革流濡幸故契張
元弼代擇嫁許明道生子三人元弼且訓以孝傳女則
克家有成立克復驚駭悲惻久之己卯秋二甥彥升某
竟走鄱迎養焉克復且愕且喜詢其母年已四十有七
明道早卒以節自勵明日鄉里媼故交賀克復益少自
鄱陽縣志 卷之三十二 雜記 三

慰已而與偕往焉父子相去數十年有死生之隔感慨
流連道說故舊聞者莫不異而悲越踰年還鄱出張宇
初孝節
堂記

府學基古報恩寺即今天寧寺也元時寺僧游湘蜀閒抄
化巨木創治之紺宇雄偉但未設佛像耳大明兵至凡
文廟不毀僧借宣聖牌位置殿中得免後生徒遂以為
郡庠既而奏取者三而充戎者二此可見聖祖崇儒重
道之盛事也宣德中有僧書對于方丈云萬間廣廈歸
寒士一榻閒雲卧老僧有士人竟以文字易寒字云中洲
野錄

趙某販瓷隆興有兄久遭兵死忽遇之挽入旅寓嘿然不語但出蓮花一朶曰到家有二十人來持此與之及歸有客十九人亟索花花忽變成一人相與笑語而去甯生舊館于信州陳師章家自兵擾久闕後十年陳來訪甯相慰問曰遭亂幸亡恙第掠去某孫今聞在黃州已長矣因出兩篋金囑陳覓之尋果得其孫贖以歸則所居久爲荒邱詢及人皆曰甯家全死於兵向所訪者鬼耳陳遂與之復其業

峽山李氏婦孀守忽中堂地裂水湧有物蜿蜒起婦取紅錦挂其角曰龍耶好去毋壞吾廬龍若俛伏漸去竟無漂

鄱陽縣志

卷之三十二 雜記

古

沒太守李榮有記

明

明燕王入南京城中紛傳建文帝自焚死鄱陽胡大理卿閏與方公孝孺高公翔三人同被召皆衰服入見觸怒九族瓜蔓抄戮最慘烈黨禁解後親族戍衛者始得赦還萬歷改元有詔靖難死節諸臣皆建祠表墓厚加卹錄十三年又以御史屠方叔奏奉旨表揚忠烈檄下本郡懸榜於邑之大門是日大風忽起揭榜直上數十丈盤旋天際如素鸞翔舞久久不下自午迄申始墮仍落邑之墀中郡人觀者以千萬計邑令程朝京紀其事鳴

呼自成祖迄于神宗二百餘年而久鬱忠魂始得復伸其遺烈所感尙能假靈風伯以大表其英飈浩氣於中衢萬目天晶日朗之間一升一墜若有人焉上且下之豈不異哉

徐芳懸榻編

永樂戊子秋當鄉舉鄱學訓導童睿夢榜上書一森字及揭曉鄱士中者三人陳蒙方柄羅榮姓名正傍三木合成森字

西山多虎彭族設筭捕之晚見大虎入檻取火視則一道人酣卧其中衆譁然挽出離數步忽大吼一聲爲虎而去

鄱陽縣志

卷之三十二 雜記

五

陳景春居上棚巷先有文南鄉嫗家祝某寄徵鈔萬錠待輸官會大火延燒左右隣勢迫亟合家人棄已物運所寄鈔須臾煙滅于烈焰中獨免衆駭異之以爲厚報兵田彭村出一老人長不滿尺鬚髮皓然行如飛每竊小兒衣着身先皆驚逐久亦馴近咸擲餅果戲之已數年有見在枯樹中號衆曳出泪淋淋下幾日斃膚肉似木石然或亦老楓化爲人之類

紫極宮後閣二柱雕龍蟠遶極活時失其一又或身沾萍藻一日忽雷震守者疑之以釘釘其足斷其爪至宮燬始壞

皇清

儒堂村忽有三人行于野人有相值與之言者頗詫其異
而其後不知所往

雜記補遺

宋

胡光字子成四十五都一二畝大梨人登天聖戊辰科王
堯臣榜官終工部侍郎文正守饒光致仕家居以故舊
相訪時饒苦茶貢百姓憚轉輸光丐文正奏免之民歌
曰一章奏免貢新茶惠及饒民億萬家云云適以大梨
實豆餉重一斤九兩范公曰物以罕而見珍聞貴里名

鄱陽縣志

卷之三十二

雜記

十六

錢爐坑盍易名大梨里名大梨自范文正公始也

明

胡德健字本誠四十五都三畝大梨人年十四入縣庠生
景泰間以上舍生授衡之耒陽丞同邑進士劉濟時知
制誥贈以序有本誠窮經學古蓄德之句

皇清

大梨村

離城八十里

有大龍山明法真仙降乩能詩凡吉

凶休咎一以詩決之乾隆庚辰鄉試時邑人章之坊以
中式事求判詩云月明月白月當中月照芙蓉月朗空
愛月騷人閒弄月月窗題月入詩筒初不解為九月明

白當中六字復以幾人入選請云摩天鴻鵠聲相並行
地鳩鵲影自單是科章之坊李中孚登賢書王世暄中
副車其他事神驗類如此

乾隆五十七年建昌王朝漢攜婦僦居鄱之豐田村不數
年婦死朝漢獨居畜一犬出入必隨及朝漢患病篤犬
伴宿牀下朝漢死犬守尸所嚶嚶如哭泣狀殮則卧棺
側與之食不食及葬守塚旁朝漢姪攜以歸犬終不食
而死其近里李長萬大贖而瘞之

按舊志僅載陶母弔客雷合二事亦皆習聞者考
馬端臨文獻通考洪景廬夷堅志以下諸書石田客座

鄱陽縣志

卷之三十二 雜記

十七

新聞草木子餘錄稽神記容齋隨筆范公鄱邑遺事都
頡七談陳藏一話腴洽聞錄江湖紀聞東蠡真明冊藹
室外史吹劔錄揮塵新錄耳談俱散見鄱事然多真幻
今爲輯錄僅其一斑噫石言于晉神降于莘阮生論無
鬼而鬼至渺習之談不盡誣焉然君子亦道其常而已
劉志原跋

舊事

郡縣自秦迄今非獨疆域分合難明卽名稱沿革亦不易考吾番在周秦爲番西漢爲番陽東漢番旁加下字自後歷千七百餘年未改若廣晉創自孫吳雖與鄱陽並爲縣而郡仍治鄱陽非改鄱陽爲廣晉隋書郡國志有鄱陽無廣晉蓋因鮮于琮之亂縣廢而地仍入鄱陽今邑西北廣晉鄉是也則廣晉特割據之餘歷年又促廣晉可稱鄱陽鄱陽不得稱廣晉明矣或乃以廣晉稱鄱陽則將稱夏爲杞稱殷爲宋乎吾郡創自孫吳曰鄱陽郡梁末改吳州以封陳高祖廢帝二年卽罷則爲時尤促而近人稱吳郡曰吳州其何以別于陳後主割吳郡鄱陽縣志

卷之三十二 雜記

六

所置之吳州也又郡城後山名土素唐神龍中刺史薛振以芝獻於朝改名芝山薛振在饒無他遺愛惟傳此事其人可想今稱郡曰芝郡城曰芝城邑曰芝陽甚且有建芝陽古邑坊于治左者

邑人史珥

三國史鄱陽言歷陽山石文理成二十字

語甚怪誕不足

紀錄而鄱之有歷陽各他書亦未見惟晉志鄱陽有歷陵縣宋書載永初郡國志鄱陽郡有歷陵縣何志無觀此則歷陵置于孫吳廢于劉宋疑歷陵卽歷陽陵陽字相似而訛必吾鄱境內地非今之歷陽亦非今江州德安舊爲歷陵者而郡邑志皆不載今郡治東北百里外

有歷陽鎮宋時彭公大雅黎公廷瑞之里也元末于公
光嘗結鄉勇保聚其間明初移其城甃石築浮梁城居
民遂散今城址猶存一面臨江三面環深谿固一方險
要也名以鎮者意必嘗設官守禦于此疑在劉宋廢歷
陽縣後蓋吳晉未置浮梁此地穀縮其口立以爲縣正
當要害及縣廢鎮立土人遂稱鎮而縣名隱矣今字或
作驪作利而語言則皆歷音也聊卽所見表出究心往
蹟者折衷焉 史珥

螺螄洲在鄱江東南岸志稱洲若增長則郡士登科不詳
所始然洪文惠賀張忠定王恭簡啟皆用螺洲事似爲

鄱陽縣志

卷之三十二 雜記

九

入相之占非僅登科也意當時術者必有是說而文惠
竟登揆路不數十年馬碧梧繼之則說似不誣乃自碧
梧至今莫有繼者未知是洲視昔何如也洲西堦有宗
三廟頗崇敝余壯年猶存甲子大水廟與址悉崩入洪
濤中則郡邑仕宦之凋耗也宜哉 史珥

松關暮雪舊稱東湖十景之一而吳徐所詠皆云江城暮
角余幼隨先伯父鐵翁讀書柴家巷故老多言巷北卽
松關又名達天關城東舊有門通兄弟橋地當東湖西
涯薦福風雨諸山永平關臺榭帆檣皆在指顧日暮雪
作景尤清曠比于角聲嗚咽大不侔矣意徐吳題詠時

因松字複孔廟松風而易之然彼重木而此祇名地正
不如仍舊爲佳

史珥

馬跡山雖紀於杜光庭其實與伯遼修煉處隔湖然光庭
惟紀山名未嘗言伯遼居此則杜撰者猶不撰也宋之
繩其武序賀澹餘侍御易辰云讀易馬跡山中其武溧
陽人顧於鄱陽地未深考蓋伯遼修煉故址今爲丹霞
觀在湖南畔馬跡山伯遼飛昇地在湖北岸山廣不數
畝高僅踰丈旁無巖壑山趾赤粉石可容數十人坐卧
石上馬跡小而圓如今川馬所踐中有數跡前深後淺
如馬將馳用力之狀上皆菅茅叢棘從未有築室者其

鄱陽縣志

卷之三十二 雜記

三

武徒知馬跡爲名山而想像言之遂爲吾邑笑端文人
好援古蹟以矜淹博其不爲其武者幾希而信耳不信
目者又欲執名輩著作以考山川其不爲馬跡山中者
又幾希矣

史珥

吾邑郭璞峯外有碁盤嶺頂有磐石上有碁局縱橫布列
相傳仙人遺局余屢過其下而未及一視太陽步南有
神山山巔亦有石凳石局如人所位置者史拙存先生
嘗飲奠其上驗之而信石上有屐跡甚分明疑亦馬跡

山馬跡之類也

史珥

國朝盛京志名宦內載指揮徐便武功事蹟與舊志畧同

而註為黃岡人疑卽鄱陽徐便其以為湖北黃岡人者
誤耳蓋徐便本鄱陽之黃岡村人非湖北之黃岡縣人
也想修盛京志時閱便本傳有鄱陽黃岡人字樣疑為
有誤遂節去鄱陽二字單稱黃岡有似湖北縣名不知
黃岡卽今之鄱陽風岡查洪氏夷堅志原稱黃岡

宋彭大雅事蹟已詳人物志但以爲汝礪四世孫則甚誤
大雅字子文號止翁晚號大極山人父适祖汝執汝礪
乃思永之子汝執則思顏之子也有各邑彭姓宗譜可

據

建置

鄱陽縣志

卷之三十二 雜記

三

顏范二賢祠始末

明戴儒記 顏范二公之祀于吾饒七賢祠也久矣祀外魯公有亭千古仰止

范公專祠三址在誌乃今復有祀祠之建詎非二公之
德澤在饒出于五賢之上永底蒸民之生故崇報之典
不厭有加無已耶歲邇姑蘇鳳竹徐公拭自侍御改倅
吾饒吾輩士民敢誦顏公真卿范公仲淹守饒之盛祀
典雖首七賢而僻麗郡庠不恆士民禮謁之常請祀以
專祠公諾之爲白部使見先遂介魯公亭與范公莫莫
堂址之間建二賢祠著之祀典經始規畫刻日底勸而
以浙憲遷去未幾公鄉觀海顧公章志繼來守饒樂成
公志鳩材募工督以檢校無錫曹子鳴珂始事于嘉靖
乙丑之夏迄工於丙寅之春祠堂三楹翼以兩序重門
崇墉洵吉落成奉主奠享而謬委祠記于儒儒素寡聞
文獻稀微殊慚漏萬謹按誌畧與父老耳屬之槩以明
建始當唐祿山之亂南北絕聞鄱民相食嗷嗷待烹前
守莫之能禁魯公至則捕其渠魁磔之于市於是民賴
生生至今而後此亭之所以始也若范公葺年之守汲
汲興革日無寧刻遷勝府治以壯民極毀撤淫祠以正
民趨奏罷德興銀課以歸流亡利浚浮梁水池以免火
災甚至力殄獄囚夜斃之孽遍浚郡城熄火之井亦立

禱雨喜應之亭皆造吾民古往今來之福而恨未能盡述豈區區叢祠可以罄吾民之報也增之專祠誠是也要之二公之功業在時主利澤在天下其大者魯公倡連盟之義而後李郭有所資藉以成再造唐祚之功范公經畧盡策騰西賊破膽之謠否則宋室南遷已不待靖康之日是蓋生有所自岳降星儲則其終也必不隨魄而亡復為河岳列星神遊八極日篤掖華攘夷之祐國祀民饗隨地居歆而何計于吾饒祀祠之增損耶顧遂二賢增祠之請具見二賢再遇之感昭假二賢在天之靈佑啟二賢來守之繼吾饒生祠之增已自今識歲月之始也時督饒兵備漢之任齋塗公澤民欵之采山方公宏靜充之東石于公錦踵助贖金有差同知吳之望溪李侯延存通判閩之雲溪胡侯文遠池之平湖王侯正和推官楚之城山饒侯仁侃協贊竣奠而鄱合廣之思蘭黎君恕費砌堦堦法得附書國朝知府李昉恢復牒江西饒州府為請復先祠以慰人心以垂久遠事康熙二十九年十一月二十九日奉巡撫江西等處地方兼理軍務都察院右副都御史宋批本府詳據饒州府鄱陽縣兩學生員鄭士奇朱辰張肇璧程選品張元英歐陽珂程有謨余瑗張之葵朱鈺彭國傑金玉

鄱陽縣志

卷之三十二

雜記

三

奇張之荃周道興張廷相曾裕王彬劉廷機鄭淑俾左篋程鼎石奎徐增益金玉彥葉應元李之用閱齊史記史韶彭銓周燾閱汶閣樟余吉士張修史鑑張溶閱華史之夔李基張在樞戴春咸揚鉞陳斯城史詢劉溥胡瀚童士登張在楨彭夢龍夏建勛史之肅等連名具呈前事呈稱從來食德必祝天飲水必思泉人心未死世澤難忘茲因唐宋郡侯顏范二公造福全饒覃恩七邑光乎史冊洽乎人心前朝于薦福寺大殿後建立二賢祠俎豆馨香炳照日月又于嘉靖四十五年勒石于祠永垂久遠不期兵燹以後漸焉傾壞風雨零落祀典缺然故址現存石碑尚在過宮駐馬猶念典型剝草尋碑時懷德澤笑于前歲遺莫莫堂僧一雨設計橫占頓使甘棠遺址改為梵刹僧房此人情不平公論其憤者也幸際大宗師福耀臨饒德遍郡邑殫心竭慮剔弊釐奸懇復其祠址奉設神位不惟在天之靈默為呵護即閭郡紳士亦啣恩無既矣等情呈府隨經本府看得唐之顏公真卿宋之范公仲淹皆以名賢出守饒郡功德垂于宇宙遺愛浹于人心歲久勿諉祀享弗替是以明嘉靖間郡倅徐棡郡守顧章志俞士民之請就薦福寺中建祠于魯公亭莫莫堂之間屋以三楹中祀二賢崇

德報功百餘歲矣嗣因兵燹棟宇傾圮今雖經營締造
 已自觀成然而瞻仰徘徊恐淪僧舍此諸生鄭士奇等
 所以有請復先祠之呈也本府蒞饒之初聞見及此即
 已慨然亟思興復繼而護道會城伏覩憲臺于古先聖
 賢祠廟凡有廢墜莫不力為舉行仰見憲臺表彰潛德
 之心孳孳罔倦以是本府彌念二賢祠不可不為之
 修復也爰稽郡志莫莫堂相傳為文正公所作故建祠
 于其側今即連甍接棟將祠與堂改作五楹猶然祠宇
 之故址莫莫堂之遺蹟也以之奉祀二賢誰曰不宜况
 琳宮梵刹供奉如來諸佛神像無地不有惟此二賢功
 德在饒崇祀同屬專祠非泛泛他祠可比除已擇吉仍
 奉二賢木主于中楹并置匾對懸掛理合詳明憲臺鑒
 核等由其文詳奉本都院批顏范二公守饒著績遺愛
 在人專祠崇祀豈容廢墜該府特為修復使棟宇重新
 且與文正公所建莫莫堂連甍並峙遺蹟藉以存誠屬
 表章盛舉深為可嘉如詳置主崇祠仍勒碑以紀修復
 繳等因并詳蒙江西按察使司分巡饒九南道副使加
 一級張批修復先賢二祠宇用光俎豆誠崇德報功之
 盛舉也尚宜勒石以垂永久仍候撫憲學道批示繳等
 因并蒙提督江西全省學政按察使司僉事邵批修復

建胡忠烈祠事始

明饒州府知府楊際會為遵明詔建專
 祠乞賜坊額以示表揚事天壤之間無

所逃者君臣之分不容泯者忠義之心自古死節之士
 蹈刑戮而不悔甘鼎鑊以如節其設心豈望報耶願後
 之人觀簡典思式閭起敬自有不容已者矧崇忠表節
 國家之恒典而起敬維風實司牧之首務也今夫窮簷
 委巷匹夫匹婦有矢貞殉節者必亟加獎賚為之闡揚
 何也以其為風教所關也况慷慨就死凜凜英風足以
 媿人臣之懷二心者其有關於風教又何如也褒崇之
 典寧可後耶按胡公云云公之死節若是乎壯也公之
 受禍若是乎酷也即在一時方鐵二公奚讓焉公死而
 族亡裔絕生平著作無有存者宜乎天下之知公者鮮
 也然則死節如公者亦大可哀也已今上登極詔建祠
 卹錄鄱為公故里尚缺專祠地方父老為公抱憤久矣
 有司者因循未舉非所以慰藉忠魂奉宣恩命也職蒞
 任以來詢之士論竊有慨于中及詢公平生之詳不覺

泫然長涕爰倡義舉謀剏新祠贖金若干賢民房一所
重加修葺前堂後寢爽塏軒宏于冬至日奉至入祠庶
幾妥忠靈而修遺事矣郡父老環門觀嘆咸謂公誠得
死所詎謂二百年來死更得所也嗟夫豈非忠義之在
人心不容泯也耶職更有議焉古以表揚盛典乎於祠
風聲專祠雖建而風聲未樹豈足以表揚盛典乎於祠
前建立石坊義民揚世德捐宅建祠今又捐銀三十兩
其餘職與僚屬士夫併力成之伏乞憲臺振揚風紀表
率綱常特賜坊額彰往勸來固千載一時也

存舊

宦蹟

唐吳棠

光祿勳

宋龔虞洵

方千之

錢仲升

俱元符末進士以直諫
顯逸其科

明陳暄

唐海州刺史

鄱陽縣志

卷之三十二 雜記

二

王翰

任橫州知州

方仲稽

官建康太守
冷水坑人

方

銓

官江都主簿
小港人

方

鏞

官武陽教諭
小港人

方

鏞

官平樂府教諭
吳江山人

方

陟

官新安教諭
吳江山人

方

仁

官安慶同知
兆田人

方

纒

官沅江縣尹
復禮鄉人

方

壽

官壽寧縣尹
復禮鄉人

皇清

張登高

管驛前人官安徽廬州府知府

文苑

范德懋

陶若璠

戴定民

竝博通經史善爲詩文

二張

殷

薛

戴

蕭

彭

俱逸其名

二張才華議論一時俊傑殷薛二侯固不待言戴君國

士出言便是月旦蕭中郎類縱放誕亦有雅致彭君摛藻特有自然見歐陽諮灋灋帖刊臨川州治

方技

皇清 史大有號拙存丹青極其神妙所畫草蟲翎毛花卉士大夫爭寶貴之

舊志書目

古今載籍極博其傳與不傳殆有數焉存乎其間鄱
邑自唐吉倉部以詩名大歷其他高文典册傳世行
遠者舊有十一家乃若遭時不偶之士茹古含今揚
風扞雅生平遺集非不卓卓可傳也然人代遷流風
聲衰謝傳于世者半不傳於世者殆不止於半矣茲
爲攷其名標其目庶使後來者得以見作者于殘編
摛文采于奕世云爾

晉

長沙公集二卷

陶侃著

鄱陽縣志

卷之三十二

書目

唐

吉侍郎集

吉中孚著

宋

易義十卷伏羲卦畫圖一卷乾生歸一圖宋詩義二十

卷鄱陽集五十卷

彭汝礪著

文集奏議共八十卷

熊本著

陶氏譜一卷

陶直夫著

白石老人集三卷詞五卷絳帖平二十卷姜氏詩話續

書譜送人歌曲一冊

姜夔著

刑鑑兵鑑

董聲應著

蛙吹集

余季倫著

學餘集

彭克紹著

東窓集四十卷

張彥實著

易足居士白鳴集十五卷

章甫著

野人集

王茂先著

近情詞一卷

王仲可著

草象新書

趙緣督著

番江集二冊

袁廣微著

〔元〕

芳洲詩集

黎廷瑞著

程朱易傳本義折衷月灣詩集巴歛襍咏樂菴遺稿一冊

吳存著

忠史一卷

楊元著

元詩傳微

陳煥著

拙齋集

周應極著

鄱陽縣志

卷之三十二

書目

二

師友集一冊東澤綺語

張伯雨著

說文字原一冊六書正譌二冊官箴一冊近光扈從集

三卷宋鑑續編通鑑總類致用齋稿

周伯琦著

寓菴集

葉蘭著

溪香集

釋正則著

〔明〕

清華集

劉珠玉著

澹湖集十卷

徐素著

春雨軒詩集

劉彥昂著

篆韻集鈔

劉彥振著

易經發明詩經詳釋四書釋要

何英著

文翰類選大成

淮康王編命長史李伯與輯

編刻詩 淮莊王輯

性書三卷 訥齋集續藁經世大訓游藝至論 余祐著

枕肱集二十卷 清風亭稿海岳涓埃論蜀稿籌邊錄 童軒著

羣英雜言 王釐著

雅頌正音 又名臺閣遺踪 劉仔肩著 順成集 王琛著

煮雪稿 朱智著 芝山集 舒子真著

稼軒集 黃晟著 駒陰冗記 閻莊著

堯峯詩集 歐陽杲著 楓落稿 俞璠著

哲亭集 亭湖稿 劉錄著 憲章正錄 劉瀚著

鄱陽縣志 卷之三十二 書目 三

邊關圖說二卷 劉昌鎮著 遊宦紀聞 張世南著

中洲埜錄饒志摘詠詩稿 程文憲著

花月僊鄉記 李榕著 文政管窺 閔桓著

歲寒集 孟常著 白下紀聞 史秉中著

胡補闕英風紀異 史桂芳纂江和重刊 國朝翟郡守後刊名風忠錄

惺堂集十卷 史桂芳著 晉齋遺集 姜金和著

燕夢堂集四十卷 江和著 篆韻輯解五卷 鄭鼎臣編

芝陽集 劉應麒著 臥雲閣詩一卷 劉文莊著

匡主樓詩一卷 姜之浩著 大賓遺集 董大賓著

猗嶠集六卷 江南錦著 帶湖草 江實卿著

弗告亭稿 陳之可著

易經明解 李如玉輯

俞俞軒詩一卷 劉美炫著

春草浪吟集 劉美燦著

澹蕩人集 史稽古著

江州集瀛海紀事有獲堂詩稿難後草僑翁詩鈔 史乘古著

易辰六卷 賀登選著
閨闈芳踪 李機著

書經旨要六卷意芝堂稿芝郡文獻錄六十卷鄱陽五

先生集十六卷 史簡編著

醋甕吟遺編 程旦著
偏墅齋遺稿 程汝成著

厚本清源集 廉靖著
三餘紀事 劉麒著

女教經 宗女隆姬著

鄱陽縣志 卷之三十二 書目 四

皇清

書種園稿 陳會著
怡虛集 程四達著

荒遜齋文集詩集詩餘雜著又輯二傳合畧人文觀觀

象翫占 史白著

安節先生集 王順乾著
知非草 周邦楨著

讀史質疑戊丙樵書 胡袞著
文集二卷 陳鯁著

梧垣奏議善惡明徵 史彪古著

十三經源流二卷禮經大義十七卷史學會編十九卷

質疑畧二卷漕運瑣錄一卷 王言綸編著

書經集解十二卷 徐澄著
易經解就正草畧 戴詒著

萍莊集二卷湖上草堂集二卷石壁山房稿四卷滌硯

齋四卷蛙吹詞二卷律陶雜詩一卷浪遊草二卷覆

韻草二卷 程建章著

刪後詩焚後詩歸田錄藏書五種閱書十五種詩說龜

書元契 程作舟著

魏峯集燕遊草 徐人元著 璞菴集 周道興著

侗齋濫墨侗齋集三卷 史同人著

夢花閣詩稿 閔華著 四書聚精讀史隨筆 史詢著

周禮疑誤辨大禮圖解鐵翁文集嫌劍吟詩集弧矢算

法 史大壯著 詩彙稿 閔汝著

鄱陽縣志 卷之三十二 書目 五

卽僊樓詩集 余日煌著 染月堂詩稿 史傳祚著

唾珠樓存稿二卷 王大壩著 學吟編 王大壩著